



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԵՊԻՍԿՈՊՈՍԱԿԱՆ Ս. ՊԱՏԱՐԱԳ ԵՒ ՄԱՏԱՂՕՐՀՆԷՔ Ս. ՆԱՀԱՏԱԿԱՑ ԵԿԵՂԵՑՈՅ 47ՐԴ ՏԱՐԵՂԱՐՁԻՆ ԱՌԻԹՈՎ

Կիրակի, 7 Նոյեմբերի առաւօտուն, եկեղեցւոյ հիմնադրութեան 47-րդ տարեդարձին առիթով եպիսկոպոսական հանդիսաւոր Ս. Եւ անմահ պատարագ մատուցուեցաւ Սրբոց Նահատակաց եկեղեցւոյ մէջ:

Պատարագը մատուցեց Թեմիս Բարեջան Առաջնորդ Բարձջ. Տ. Մուշեղ Ս. Արք. Մարտիրոսեան, Ս. Սեղանին սպասարկեցին եկեղեցւոյ հոգեւոր հովիւ Արժ. Տ. Ռազմիկ Քհնյ. Խաչատուրեան, ներկայ էր նաեւ Բարձջ. Տ. Եփրեմ Ս. Արք. Թապաքեան:

Ամեն տարուայ նման ժողովուրդը խումներամ շտապած էր եկեղեցի, լսելու հոգեպարար արարողութիւնը եւ լիցքաւորուելու օրուան խորհուրդով:

Հաւատացեալներու բազմութիւնը երկիւղածութեամբ կ'ունկդրէր ու կը մասնակցէր Ս. Պատարագի երգեցողութեան, որը կը կատարուէր եկեղեցւոյս սարկաւազաց ու դպրաց դասին կողմէ, ղեկավարութեամբ խմբավար Պրն. Կոմիտաս Քէշիշեանի: Երգեցողութեան կը մասնակցիէին նաեւ կիրակնօրեայ դպրոցի աշակերտները:

Առաջնորդ Սրբազանը իր քարոզին մէջ փառք եւ գոհութիւն յայտնեց Աստուծոյ, որ կը գտնուի Հովիտի հայ համայնքին հետ եւ միասնաբար անոնց հետ կը նշէ եկեղեցւոյ 47-րդ տարեդարձը: 47 տարիներ առաջ խումբ մը հայորդիներ տեսլականը ունեցան Սրբոց Նահատակաց եկեղեցին հիմնելու, անշուշտ անոնք այդ քայլը չառին մէկ սերունդի հոգեկան ու հոգեւոր կարիքներուն գոհացում տալու համար, այլ գիտցան, որ իրենց գործը պիտի տարածուի գալիք սերունդներուն վրայ, իրենց բացած ճամբան պիտի շարունակուի նոր նուիրեալներով: Սրբոց Նահատակաց եկեղեցւոյ հիմնադիրները չէին սխալած: Անոնք գիտէին թէ լաւ սկսուած գործ մը միշտ ալ կ'ունենայ շարունակողներ: Հիմնադիր սերունդին նախատեսութիւնը այսօր իրականացած է: Ապա Սրբազան Հայրը օրհնեց յիշատակը բոլոր անոնց, որոնք հաւատքով հիմը դրին այս եկեղեցւոյ: Ան աղօթեց նաեւ եկեղեցւոյս այսօրուան սպասարկուներուն համար, որպէսզի Աստուած առաջնորդէ անոնց քայլերը, զիրենք փրկէ երեւելի ու աներեւոյթ ամեն տեսակի փորձութիւններէ եւ ծառայական ուխտի մէջ միշտ անխախտ պահէ զանոնք:

Պատարագի աւարտին տեղի ուեցաւ հոգեհանգստեան պաշտօն հոգիներուն համար բոլոր անոնց, որոնք եկեղեցւոյ անդաստանէն ներս

գործեցին ու անցան եւ այժմ կը ննջեն եկեղեցւոյ հովանիին ներքեւ: Ապա Առաջնորդ Սրբազան Զօր գլխաւորութեամբ թափօրը առաջնորդուեցաւ «Աւետիսեան» սրահ, ուր եկեղեցւոյ Տիկնանց Միութեան կողմէ պատրաստուած էր մատաղ:

Կատարուեցաւ մատաղօրհնէք: Սրբազան Զայրը բարձր գնահատեց Տիկնանց Միութեան եւ Զոգաբարձութեան անդամներուն մատուցած ծառայութիւնը, ինչպէս նաեւ մատաղին իրենց սիրական օժանդակութիւնը բերող բոլոր հաւատացեալները:

«Պահպանիչով», «Կիլիկիա» մաղթերգով եւ «Մեր Զայրենիք» քայլերգով վերջ գտաւ հոգեպարար արարողութիւնը, որմէ ետք հաւատացեալները կարգով մօտեցան եւ վերցուցին մատաղի իրենց բաժինը եւ հոգեւորոգ ուրախութեամբ վերադարձան իրենց տուները:

Ուրբաթ, Նոյեմբեր 5, 2010-ի երեկոյեան, Արարատ Տան «Տեօքմէճեան» սրահին մէջ նշուեցաւ Սրբոց Նահատակաց Եկեղեցւոյ հիմնադրութեան 47-րդ տարեդարձը, հովանաւորութեամբ եւ ներկայութեամբ Առաջնորդ Սրբազան Զօր:

Զեռնարկը կազմակերպուած էր եկեղեցւոյ հովիին, հոգաբարձութեան եւ Տիկնանց Օժանդակ Մարմինին կողմէ. հիւրընկալութիւնը ստանձնած էին Տիկն ժանեթ Վարդազարեան եւ Տէր եւ Տիկն Ժոզէֆ եւ Նորա Սիմոնեան ընտանիքները:

EPISCOPAL DIVINE LITURGY AND BLESSING OF MADAGH ON THE 47TH ANNIVERSARY OF HOLY MARTYRS CHURCH

On Sunday, November 7th, the 47th anniversary of Holy Martyrs Church in Encino was celebrated with Episcopal Divine Liturgy and the blessing of *madagh*.

H.E. Archbishop Moushegh Mardirossian, Prelate, celebrated Divine Liturgy and delivered the sermon on this occasion. He was assisted at the altar by Parish Pastor Rev. Fr. Razmig Khatchadourian.

The Prelate gave thanks to God for granting this day for the parish community to come together and celebrate the 47th anniversary. He reflected on and commended the vision of the founders who nearly five decades ago had the foresight to establish the church for the growing Armenian population in the area. He prayed for the Lord to bless the memory of the founders who are no longer with us, and for Him to guide the path of present and future servants who work for the splendor of the church and community.

Following Divine Liturgy and requiem, the Prelate was led in a procession to "Avedissian" Hall to conduct the blessing of *madagh* which was prepared by the Parish Ladies Auxiliary.

The ceremony came to a close with the Prelate's benediction, and the singing of the Cilician and Armenian anthems.

The 47th anniversary banquet was held under the auspices of the Prelate on Friday, November 5th, at "Deukmejian" Hall of Ararat Home.

The Prelate was in attendance and conveyed his message and blessings on this occasion.

The banquet was held under the auspices of the Prelate, and was organized by the Parish Pastor, Board of Trustees, and Ladies Auxiliary. The evening was hosted by Mrs. Janet Vartazarian and Mr. and Mrs. Joseph and Nora Simonian.